

新疆圖志卷三十一

賦稅二

權稅

後世褻衣博帶之儒動曰盛朝不言有無帝王不計財貨以天子之尊下與黎庶較錙銖不便孰甚焉豈知山海爲天地自然之產稅課乃國家應有之權周禮者周公致太平之書也上至山林藪澤下至津關市廛無地不賦無物不貢無人不征無事不稅極之至纖至細米鹽酒醬之類亦復定爲經制設爲條款以元公大聖而爲此瑣屑細務豈剝民以利己哉一以杜豪強專權兼併之狡謀一以示吾民崇本抑末之深心且以取天下之財治天下之事收天下之利安天下之民而已矣由漢迄明立法雖不盡同要其大致不過如此我

朝肇造區夏蕩滌繁苛不特秦之丁口錢漢之算緡法唐之間架稅宋之月椿錢明之金花雜賦等項一掃而空卽關海鹽鐵爲天

新疆圖志

賦稅一

經地義國家應享之權利猶復

溫綸誥誠至再至三煦煦然如父母之於兒女惟恐稍有剝削稍有誅求也至酒醪米穀則惟燒鍋躑躅是而嚴不專設權酷之務五金產地則以聚人生事爲戒而不計及礦稅之饒他如寬漁課以恤海濱之民定牙契而嚴胥役之禁所以爲小民計者至深且遠中興以來西陲底定拓地周二萬里之廣內地商賈持幣帛以來者論蹠萬計天山以南玉門以西昔爲游牧佳場者今則爲商埠重地矣律以各國值什抽五抽六之例則新疆稅欸歲入當下數十百萬而乃減之又減輕之又輕考其所取不過二三分中之一耳嗟乎國帑如此艱難庫欸如此支絀雖在婦人孺子亦欲貢曝獻芹下盡孺慕之誠上紓

宵旰之憂而

聖天子終不以公家拮据下累萬姓遙稽百世以上旁考四海以外賦稅之輕未有過於

本朝者茲因編全省稅務聊掇數言記諸簡端用以明我皇上愛民如子之苦心並以動我國民忠君愛國之思想已爾稅務緣起

邵陽魏氏云哈薩克三部有汗王公台吉世襲以理其游牧三歲一貢歲一市以馬羊易緞布而稅其百一布魯特亦如之又云浩罕土產甚貧全賴諸夷入市貨稅以資國用是卽新疆權稅之始嗣後地勢漸闢諸種人民暨貨物日以繁盛各色稅目亦由是而起

房稅

乾隆二十八年將軍明瑞奏准伊犁商民來集漸多俱於城外尋地自修房屋宜按照房間大小定數收稅頭等房每間三錢二等每間二錢三等每間一錢三十七年將軍舒赫德奏酌定房屋條規三則一鋪房稅契宜變通立法刊刻契紙編行以資查考一買賣房產宜設立牙行責成查考一現在所有白契應盡行呈官以

新疆圖志

賦稅一

二

蓋黔印俱經軍機大臣議准施行迨後鋪店房間開閉無常每年約徵銀一萬二三千兩不等

牲畜稅

牲畜稅無定額約歲徵銀四千六七百兩

牙行稅

伊犁各城牙行二十六名歲徵銀十五兩六錢

園稅

伊犁戶民新墾之園地歲徵銀一千餘兩

煤窯稅

乾隆四十七年將軍伊勒圖於崆郭羅鄂博一帶大山頭石人子甘溝三處開設煤窯二十四座內長年挖取者十六座有夏秋地氣薰蒸不能入洞採取惟冬春始能開挖者八座均照

盛京煤窯之例每座獲利以十二股抽分每年徵收稅銀三百二十四兩八錢五十年添窯十二座加增稅銀一百三十四兩六錢

五十三年塌窰二座減銀二十一兩七錢實有窰三十四座每年征銀四百三十七兩七錢

謹案以上五項所征稅額俱就乾隆時言

木稅

伊犁南北山場林木葱鬱俱聽人民自行砍伐嘉慶十一年將軍松筠奏請於商民內擇其妥實者設爲商頭官給驗票約束人民稽查出入定以每木百根抽分七根板片抽分之數亦如之計自十一年八月起至次年八月止抽收大小木植板片共七千四百九十九件一歲如此餘可類推

百貨稅

緞綢皮貨服飾靴帽棉麻布疋海菜南土貨京廣川南洋雜貨藥材細藥次藥洋藥茶葉紙札銅鐵錫器木料各類

嘉慶以來逆回張格爾金相印白彥虎等相繼煽亂全疆商務不能暢行者數十年光緒初年漸臻底定商販四集

欽差大臣左宗棠以餉源不濟仿照各省百貨釐捐抽收釐其稅見於光緒六年四月十七日籌辦新疆善後事宜摺中云釐稅一項就各局冊報計之自四年秋至五年夏不足一年已收銀十八萬有奇亦稱入欸大宗如伊犁事定商貨暢行當必更有起色行之未久奉

旨裁撤光緒十一年戶部以新疆旣建行省所有鹽法茶務關稅錢法庫儲均宜次第講求以圖經久於是巡撫劉錦棠酌於哈密設局專收南由陝西出嘉峪關從哈密入境之貨於古城設局專收北由包歸出蒙部草地從古城入境之貨巴里坤地僻貨少又鄰近哈密由哈密關員酌派司事巡丁分駐查收作爲哈密分關至哈古附近均有歧途繞道不免奸商偷漏均由各關員相度地勢分卡稽查兩關稅務均以鎮迪道爲監督掣發道印稅單所征關稅銀項先由該道核收轉解藩庫其征收稅則按照市價估值每貨價銀一兩定征稅銀三分惟土芋一項非日用必需之物以六分征收一稅之後任其行銷何處再不重征其南北兩路土產貨物亦照市價征收三分惟祇稅其大宗零星小販概從寬免且

不設關卡不發委員由地方官招股實大商開設牙行仿照南省風氣商民交易貨物概由牙行經手准其收取二分行用應征貨稅銀兩責成牙行報繳地方官收存轉解

茶稅

官茶向由甘省每引完納正雜課釐四兩四錢四分復由肅局抽收出口釐金每票銀二十兩嗣茶商恒成順等懇將應完出口釐金永在哈密照章完納陝甘總督左宗棠批准由哈局征收並飭於行銷地方抽落地稅一道按價每兩完銀三分光緒八年巡撫劉錦棠飭將落地稅項一律豁免復因釐金停止出口釐稅仍歸肅局辦理十一年立哈密古城稅局新擬章程飭每封稅銀一錢每百觔稅銀二兩每票稅銀八十兩其出口釐金仍改歸哈密征收落地等稅永遠豁免北路千兩百兩等茶除按照甘章完納正雜課釐外亦應按每引百觔稅銀二十兩以歸畫一惟販運白毫武彝珠蘭普洱大葉香片六種細茶成本既重獲利較厚應照稅

新疆圖志

賦稅一

四

則遞加以公平

附錄哈密古城稅則九條

一哈古創設稅局是專征內地東來之貨至南北各城土產貨物應由該地方官就地征稅報解設局以後如有各城土產販運東來者哈古各局不得重征以符一定稅章至於俄商及西域外部來貨應俟商務暢旺議定稅則時再行起征洋稅現在邊關未設遇有西域外部來貨聽其落地過境哈古局不查不稅以示區別一哈古設局以後商貨到地投局報稅隨時掣給稅票不准片刻遲延商貨過境長運者遇有稽查分卡該商執票呈驗放行不准絲毫措勒其已稅之貨賣與哈古本市復經商民轉販者概免重征惟起運時務將原報稅票夾同該鋪發貨清單內赴局驗明將單填註年月加蓋本局關防給與該商爲據遇卡呈驗放行以杜東來未稅之貨繞漏朦混等弊此項稅單務須隨到隨印不准留難措索違者准商民稟究

一局內稅銀係屬庫儲正欸下收上解應概歸一律庫平遇有零頭找尾一時紋銀不便搭天罡銅錢不得過三錢以上餘須一律收銀以解藩庫稱驗百貨概用湘秤爲準不准假用市秤高下其手致紊定章

一商貨有偷漏一經查出除照章完繳正稅外再照正稅之數罰銀三倍隨時張貼曉諭所收罰欸一半充公報解一半由局員秉公給賞以儆效尤而勵巡查仍按月彙報以備查考

一設立稅局只征車駝販運大宗客貨其餘零星小販藉以謀生成本不滿十兩者概行免稅以恤民艱

一稅務爲庫儲正宗各營署委員差弁因公往來不准夾帶包攬隨從丁夫兵勇人等必須嚴加約束違者查出重究如係軍裝官物應驗明將軍都統及各大臣公文註載件數如無公文或文內並未註載明白概令繳稅各該局卡務須秉公嚴查毋得瞻徇情面致干併究

新疆圖志

賦稅一

五

一設局收稅原爲餉絀起見一切公費務從樽節省得一分則公家多出一分餉項全賴任事之人共體時艱視公事如家事惜公欸如私欸破除情面實力實心事無不濟當卽酌定薪水一專責成哈城稅局派辦理稅務委員一員月支薪水銀四十兩油燭紙張火食銀四十兩收稅寫票司事一名月支薪水銀二十兩文案帳務司事一名月支薪水銀二十兩巡勇六名月給口糧銀各四兩五錢伙夫一名月支口糧銀三兩雜夫一名月支口糧銀三兩古城局布置一切照哈局章程辦理

一各局委員如果廉正勤能三年內稅旺無過准委署繁缺次一司事每月薪水發半存半兩年內勤廉無過記功彙保如有過犯卽將所存薪銀一並發充公欸驅逐出局巡勇每月口糧亦給半存半倘有過犯將存銀一並充公解遞回籍決不寬貸苟能實心辦事忠直無欺一律記功酌獎以勵其餘

一餉源奇絀急宜講求節儉局員處聚財之地平日所抽者豐告

貸糾纏必多且銀錢在手易於揮霍非刻苦自勵一如在家時布衣蔬食雞黍留賓不能保其廉潔至於贐金幫欸各局員自顧不暇何能惠及朋友尤宜一概謝絕本大臣爵部院上年通飭南北兩路各地方官營局嚴禁虛文欸賓至多以八簋爲度山珍海錯悉禁不用卽查照一體辦理倘有仍蹈從前惡習專務虛文不節浮費一經虧空舞弊侵公本爵部院斷不能爲之曲宥也懷之愼之

謹按以上章程俱光緒十一年巡撫劉錦棠擬定者

豁免華商貨稅暨復征華商貨稅原由

光緒七年中俄條約准俄民在伊犁塔爾巴哈台喀什噶爾烏魯木齊及關外之天山南北兩路各城貿易暫不納稅俟將來商務興旺再由兩國議定稅則在

朝廷本以睦鄰恤商起見而利之所在弊卽因之華商因俄商不納稅之故賄託包庇謂較赴局完納尙爲合算俄商視爲利藪不

新疆圖志

賦稅一

六

論土貨洋貨輒行包攬甚至屬中回部亦復冒稱俄人希圖蒙混一經查出則又捏報領事文牘往返轆轤滋多華商藉其庇護雖得微利生計仍是日貧巡撫陶模深痛斯弊奏云同爲生計所係此征彼免苦樂旣嫌不均而賄賂包攬以應得之稅銀轉隱入俄商之手事理尤太平與其以無限貲產流溢外人莫如保固有權利惠我商民且歷年所收貨稅自二萬至五六萬而止局卡經費又於收數內統以二成開支通盤計算所籌之欸爲數究屬不多卽無此銀公家亦不至大損爲目前補偏救弊計惟有籲懇

天恩將華商貨稅暫行停止以紓民困至此項稅銀旣裁新疆經費愈形支絀^臣當督飭司道遇事節省極力彌補斷不敢以出欸不敷另請指撥仰副

朝廷鄭重帑儲至意光緒十九年奉

旨依議欽此嗚呼疆臣防弊之深心與愛民之隱念亦可謂至矣

盡矣無如中原多故需財孔急新疆前此歲收稅銀六萬有奇者至此僅三萬四千八百餘兩安常處順猶慮不支而賠欸四十萬又復飛咨來催無米之炊巧婦果能做乎於是巡撫饒應祺具奏云新疆邊荒枯瘠生計維艱開鑛興屯既難遽收成效墾荒升科亦難急議加征惟稅務取之於商尙於民生無損雖從前征數無多究於公家不無裨益現在漢民回民陸續出關日增月盛人數較衆貨物銷路當亦較寬如能經理得人嚴禁偷漏力杜中飽涓滴歸公歲收或有起色如蒙

俞允先就省城設立總局遴選精明強幹之員充當提調查照原案舊章就今昔殊情斟酌損益再行擇要設立各路分局委員按章抽收嚴查包庇營私諸弊以塞漏卮涓涓之流漫成江河似於餉源不無裨濟於是部議云俄商貨稅尙未議辦先辦華商貨稅倘有奸巧華商假託俄商包庇隱瞞誠恐利少弊多於籌款難期實濟然使待俄商貨稅議辦有成再辦華商貨稅無論俄商貨物

新疆圖志

賦稅一

七

將來能否抽稅現時尙無把握即使果能另立條約議立稅則而往復會商開辦亦仍需時日現在新疆需款孔殷着即將華商貨稅先行籌辦以顧要需但貨稅既徵情弊亦應預防應由該撫遴派妥員明定章程通飭總分各局認真稽查斷不使華商影射俄商致貨稅稍有偷漏是爲至要至開支局費各省多係一成該省從前開支二成未免浮多亦應照數核減以杜虛糜嗚呼旋免之而旋征之豈前後疆臣意見各殊哉亦時勢所迫俱有不得已之苦衷存乎其間也已

附錄征收華商貨稅章程

一省城設總局收兩路入貨之落地稅哈密收草地入境之貨古城收中路入境之貨綏來攔收伊犁之落地稅阿克蘇攔收南八

吐魯番收本地土貨之稅瑪喇巴城收西四城東來之稅共六分局光緒二十八年設二十

九年添設喀什噶爾回城局抽收東北各路赴哈入貨之落稅並收哈什本處土貨之赴東北各路以及運赴外部銷售之起稅莎車府局

抽收各路來貨之落稅兼收本處土貨運赴他處者之起稅其向收西四城之東來土貨起貨之瑪喇巴什局於是年裁撤伊犁塔城局一如哈什等處之章程收入貨之落稅出

來局亦於是年裁撤

一關外情形與內地不同徵收未便過於繁重宜按各海關值百抽五稅則酌減改爲值百抽三無論外來一律辦理

一凡華商販運貨物均照起落征收如由省販貨赴有局地方銷售者均於省局收起稅各局收落稅赴北路之伊犁塔城則綏來局攔收落稅赴東路之鎮西則古城局攔收落稅赴南路之西四城則瑪喇巴什局攔收落稅中間經過阿克蘇局祇驗省票放行不重收稅惟赴無局地方如庫車拜城新平喀喇莎爾等處則於省局抽收起落兩稅以符一起一落定草至由各路有局地方運貨來省銷售者則各局收起稅到省收落稅其應攔收起稅及到省應收起落兩稅者均仿照出省之貨辦理惟出省來省並應於完稅時報明來去地方填載票內以上係專指省城之出入貨而言其餘可類推要之起處有局落處亦有局者則此局收起稅彼局收落稅若起處有局落處無局落處有局起處無局者無論經過何局均須查明起落處所並收起落兩稅於填票時詳細載明

新疆圖志

賦稅一

八

一芋土一項關由內販來者固多而本地如北路之奇台綏來伊犁南路之布告爾烏什等處出產亦不少不特漢民吸食纏民亦漸沾染銷路較前更暢先年停局時歸地方官酌爲收解現定一並歸局辦理仍照舊章每百兩收稅銀一兩如由關內及南北路運省銷售者經過何局由該局收起稅一道到省收落稅如由無局地方運省銷售者則由省局收其起落兩稅外局照省局辦理均定一起一落之數

一近年屢奉部章芋土與燒酒均非民間日用必需之物應照章加重每百斤酒收稅銀四錢無論外來暨省城燒坊均一律征收外局亦照辦理

一官茶向由哈密局抽收一稅之後不問所之現新疆各號茶大半裁撤多爲他商由蘭號販運而來茲均定每票由哈密局收稅銀百兩每重四千斤爲一票任赴何處再不重征惟由甘涼草地繞越哈密局者則無論經過何局均照章收稅一道

一各局向用稅票及黏貼煙土印花均由總局印發其稅票仍用聯四按局編字列號一存根存局一齎核按月彙齎一執照發交商人收執一查驗亦發交商人經過下局截留按月彙交總局至各局填給執照查驗時應詢明運往何處銷售以便落地時互相查核其下局截繳一驗亦須蓋用某局驗過圖記經過省局亦然一此次復開稅務官商宜視爲一體其聯絡之法如省城京津川楚山陝甘涼及本省各幫各舉商總一名爲官商合一之計准於貨到哈密古城之日除土煙應黏印花外其餘只照發單納稅於箱上黏貼封條票上載明箱數並不開箱查點到省之日由商總開單報局與總查委員公同點驗如無偷漏則已倘查有在哈密古城隱匿情弊從重罰究此責全在商總切實奉公二年之後如果商總得力稅務暢旺卽由局詳請給予獎敘以示鼓勵

一設立商總所以通商情盡商利也但人心不一又慮各幫不無徇庇亦不能互相箝制因於省外東南北三路分設查卡貨入則查驗車馱箱隻數目飭丁報局貨出則驗票放行商總知有卡員查報自不能徇隱卡員知有商總查報亦不敢玩忽而索賄留難之弊除

一稅務一切事宜概歸鎮迪道兼按察使主政仍會藩司銜協辦俾專責成

一局內一切文牘由提調督同委員核定辦稿呈請判行後發局簽押關防存局隨時蓋用

一總局除派委文案核銷收支三員分司各事外向章設有稿書一名應改爲收發委員專司送稿簽押及收發公文管理卷宗等事又舊章設票書一名算書一名清書三名查貨司事二名茲於票書算書清書等名仍其舊而清書少用一人改爲平書一名查貨司事二名改爲總查一員以上各員均參用候補佐雜如新餉所書識之例既可量材任人又可疏通差使此外巡丁什長一名巡丁八名雜夫伙夫共三名又南路纏民運貨到省照章抽收落

稅則言語文字之間須用通事毛拉各一名均係仍照舊章
一商民照章完稅應交庫平銀照官錢局定章以現錢換銀加水
五兩以局票換銀加水四兩以湘平補足庫平加水四兩一錢七
分

一舊章稅務各局報解稅銀向由藩司庫驗收此次復開稅務係
因攤賠洋欸起見籌欸事件由新餉所經理以後稅務各局報解
征收銀兩應改歸新餉所驗收核報以歸畫一

一總局關防鈐記一顆其文曰新疆全省稅務總局關防哈密古
城綏來阿克蘇吐魯番瑪喇巴什六分局各發鈐記一顆

一總分局任用人員及薪水局費總局提調一員月支薪水銀四
十兩跟丁二名月各支口食銀三兩文案一員月支薪水銀二十
四兩跟丁一名月支口食銀三兩核銷收發各一員月各支薪水
銀二十四兩跟丁一名月支口食銀三兩收發文牘一員月支薪
水銀十六兩跟丁一名月支口食銀三兩票書算書各一名月各

新疆圖志

賦稅一

十

支薪水銀十二兩平書一名清書二名月各支薪水銀八兩清書
公用伙夫一名月支口食銀三兩總查一員月支薪水銀十六兩
跟丁一名月支口食銀三兩巡丁什長一名月支口食銀四兩伍
錢巡丁八名月各支口食銀四兩二錢巡丁公用伙夫一名月支
口食銀三兩雜夫伙夫三名月各支口食銀三兩通事毛拉各一
名月各支口食銀三兩油燭紙張每月支銷銀三十兩伙食局費
月支銀五十兩除委員書識薪水外餘皆扣建又四月土煙上市
應自四月起至十一月止計六個月省城委員巡丁查貨月給馬
乾一分銀六兩六分局委員月各支薪水銀二十四兩帳友一名
月各支薪水銀十二兩票書清書各一名月各支薪水銀八兩查
貨司事一名月各支薪水銀八兩哈密古城阿克蘇瑪喇巴什四
局巡丁各六名綏來吐魯番兩局巡丁各四名月各支口食銀三
兩六錢哈密古城阿克蘇瑪喇巴什四局局費油燭紙張各二十
四兩綏來吐魯番兩局局費油燭紙張銀二十兩跟丁伙夫每局

各一名月各支口食銀三兩毛拉兼通事每局一名月各支口食銀三兩以上哈密古城阿克蘇嗎喇巴什四局每局月共開支銀一百十四兩六錢綏來吐魯番兩局每局月共開支銀一百零三兩四錢又東南北三路卡查東路七道灣委員一員月支薪水銀十六兩巡丁四名月各支銀三兩油燭紙張月支銀二兩伙夫一名月支銀三兩馬乾一分月支銀二兩南路南梁委員一員月支薪水銀十六兩巡丁四名月各支銀三兩通事一名月支銀三兩伙夫一名月支銀三兩油燭紙張月支銀二兩馬乾一分月支銀三兩北路西大橋兼辦委員一員月支津貼銀六兩巡丁二名月各支銀三兩油燭紙張月支銀二兩以上三路查卡月共開支銀八十六兩

一各局委員查報漏稅十次記大功一次至記大功三次卽准酌委一次

一先年稅務各分局報銷按月報局由局彙報但各局遠近不同

新疆圖志

賦稅二

十一

宜各歸各報惟按季由總局彙報一次

一南山出產嵐炭煙炭派員於西大橋查收又頭煤炭派司事就煤窑地方設卡查收東山煙炭派司事於水磨溝設卡查收古牧地嵐炭土炭就地查收

改辦統捐事宜

光緒三年戶部籌辦百貨統捐飭各省妥議章程新疆巡撫潘效蘇以新省向未抽釐現徵華稅與百貨統捐名雖不同實則無異卽將來免釐加稅剔除釐金積弊而此項稅則原在無庸停免之列議請仍照舊章無庸更改部議允准但立法雖已盡善而積久或至弊生舊章雖定起落兩稅而落地時行情壅滯另行轉運仍納起稅至銷售處所再完落稅甚至一貨入境征稅至四五次不等稅課其名而釐金其實商民之叫苦已數數矣於是總稅局以起落兩稅之轆轤輾轉仍不如百貨統捐之直截了當詳請改辦統捐以恤商艱蒙巡撫聯魁批准蓋至是而新疆稅務凡三變矣

一此次改辦統捐於省城設一總局哈密古城塔城伊犁喀什噶爾莎車等處各設大局吐魯番庫車溫宿巴楚和闐西湖等處各設分局大局分局各不相轄

一大局分局每處關防各一顆其文曰某處統稅大局關防某處分局關防

一進口百貨自首局照起落收捐一道以後運往何處銷售概不重征沿途經過卡局祇蓋年月日查驗戳記立即放行其有貨物由無局地方運來者准該商報明上捐不得以偷漏論本省土產如係成莊出境自應按統捐抽收南疆八棚稅務向歸包辦流弊甚多改辦統捐後亦即照章遵辦

一稅務舊章分起落兩稅倘落地時行情壅滯另行轉運仍納起稅至銷售處所再完落稅統捐則無論轉運與否一征後再不重征

新疆圖志

賦稅一

十二

一邊境局卡捐收出口貨稅有起運即已出境入口即係落地之貨更無他局卡堵查者亦均照起落稅收捐以歸一律倘係進口之貨無論收捐及查驗落地局卡均應按月造具清摺開報

一商人運貨出入或車載或駝運每箱每包重至數百斤不等應照章以二百四十斤爲一担均應秤准斤重核實經收不得籠統估計其有不及担者亦按斤數核算免滋舞弊但担頭斤重雖屬畫一而貨值高低不一稅銀多寡懸殊各局卡經收貨捐須將貨之名色斤數明白填載票內並於箱面註明某貨若干件某貨若干斤不准籠統填寫京貨幾担川土貨幾担以便稽查而免作偽若貨既由起稅局卡稱驗某貨若干斤計若干担開具清單黏貼封條沿途查驗局卡祇可抽查一二件票貨吻合立予蓋戳放行否則逐一開箱點驗照章罰辦惟查驗不得故意挑剔希圖需索致干嚴究

一客商裝運起貨之時須報明該處局卡委員眼同驗明貨物裝

箱每箱斤重若干應編列號數將裝運各貨載明執照並由局發給封條眼同客商黏貼另開細數清單須與執照相符仍蓋用該局鈐記一並黏貼箱上以便沿途稽查且以杜舞弊

一貨物於起運之先須指明落地倘經過處所行情甚好可以發賣不願赴落地之處卽報明該處局卡准其發賣一面由委員移明起運及落地兩局以便稽查如無此等情形貨至落地時該商人須於貨未卸載之先持票呈報局卡委員眼同逐箱開驗方准銷售如不報明委員私自開箱寄貨卽以舞弊論倘實有事故不能一時盡開准將未開貨箱黏貼局印封條俟次日再揭同看驗惟不須延逾五日如有以多報少以細報粗情事按照定章辦理該司巡亦不得有受賄徇私等弊究出定予嚴懲

一貨物落地繳照後倘行情壅滯准該商報明該處局卡另給分運執照或全運或擇運或另易商民承運悉從其便不再取分文一如查驗貨票不符責令該商補出稅銀外按五倍議罰其無票

新疆圖志

賦稅一

十三

之貨則全數充公仍須查明由何處局卡起運切實查辦如第一局卡查出起貨單不符將起稅委員罰辦他局處卡查出沿途局卡貨單不符將經過該局卡委員罰辦如落地委員查出以上局卡貨單不符一律分別罰辦其起稅之局員尤應加倍嚴懲仍將查出之委員記功記功三次折一酌委果係商人偷漏自應按章罰辦倘委員書記通同舞弊亦按情節輕重分別辦理重者詳參輕者撤委書巡等提案究治惟是各局卡查出無票之貨及貨票不符各罰款均須實報以五成充公以五成提賞如敢蒙蔽或商人控告或鄰局稟報卽將該局卡究辦

一各局添寫聯票所收銀數須於四聯合縫中端正大寫蓋用本局卡圖章年月日亦均大寫蓋用關防鈐記如有罰款卽接寫在收捐數目之下不准遺漏

一凡進口出口統捐一律收銀出票之局每銀一兩准劃扣津貼一分查驗局卡截留查驗票時每銀一兩准給津貼一分按月將

截存驗票銀數彙報總局照數開支津貼如無驗票不得支領落地局卡每銀一兩准給津貼一分將截留執照亦按月申報除收捐局卡准於收捐銀兩內劃留津貼外其查驗落地兩處均按季造冊請領不得濫支

一南北兩路各局卡所用戥秤參差不一商人藉爲口實改辦統捐一律遵用庫平其平應由總局較準法碼及大秤攜刻總局字樣編列號數通發局卡各一分以昭公允而免抑壓

一辦捐委員以兩年爲差滿之期如果得力聽候留差以資鼓勵減色中飽撤差又邊境局卡有起運卽已出境入口卽係落地之貨中間無查驗局卡堵查全賴各委員嚴督司巡激發天良認真經收按月盡數報解以擴公益若商同輕減稅則並不出票侵吞稅款者一經查出或被告發除追贓外定行參辦不貸將司巡人等一體治罪

一驗查局卡無貨可收則以拿獲偷漏爲專責計獲欸在百兩以

新疆圖志

賦稅一

十四

上者准記大功一次積至六功咨司酌委以昭激勸

一解繳征收銀兩仍照舊章逕解司庫距省遙遠之局就近解交道庫

一各局委員薪水六大局委員各一員月各支薪水銀五十兩帳友各一名月各支薪水銀十六兩清書票書每局各一名月各支薪水銀十二兩查貨司事各二名月各支薪水銀十二兩巡丁各四名月各支銀五兩跟丁伙夫每局各一名月各支銀三兩毛拉兼通事各一名月各支銀三兩六錢局費油燭紙張照舊各支銀二十四兩六大局月各支銀一百六十七兩六錢六分局委員各一員月各支薪水銀四十兩帳友各一名月各支薪水銀十六兩票書兼清書各一名月各支銀十二兩加津貼銀三兩查貨司事各一名月各支薪水銀十二兩巡丁各四名月各支銀五兩跟丁伙夫每局各一名月各支銀三兩毛拉兼通事各一名月各支銀三兩六錢局費油燭紙張月支銀二十兩六分局月各支銀一百

三十一兩六錢

一各色貨物分爲綢緞類洋綢貨類洋貨類布疋類細雜貨類粗雜貨類山雜貨類土雜貨類細海菜類粗海菜類棉花類估衣類磁器類紙張類藥材類布衣類水芋類茶葉類皮貨類帽類銅鐵錫鉛類木料木器類作成担頭按稅則起落稅並徵其綢緞類布疋類藥材類水芋類茶葉類則分地道皮貨類則分上中等下等估衣類則分綢布表裏細毛以及老羊皮等銅鐵錫鉛類則分生熟華洋器皿木料木器類則分廣狹厚薄斤重此外各類亦但分其精粗他若古玩玉器照洋關正稅值百抽五加子口稅二五每值百抽銀七兩五錢和闐玉環每百斤抽銀二兩本地鹿茸照舊章估本抽收

一各項稅則尾注不足担者按觔核收及布每疋樹每根完銀若干之類俱係指各行商販運貨成担整數之外尙有畸零尾數照章扣算而言若本地窮民手携背負布疋瓜果及販賣一切零星

新疆圖志

賦稅一

十五

貨物以易升斗之需向不出境貨物例不納稅自在豁免之列

全省實收稅數

光緒二十八年總分局共收稅銀九萬八百七十六兩三十三年共收稅銀七萬七千三百一十四兩五錢其餘年分雖不盡同而大數亦不相遠